



大日本史卷之一百七十四

淺草文庫

列傳第一百一

權中納言從三位源光圀由修

男權中納言從三位綱條校



玄孫權中納言從三位治保重校

堀口貞滿子

金谷經氏子

江田行義

大館氏明



大井田氏經

里見時成

細屋秀國

堀口貞滿稱三郎太平記上野人大父家貞新

田政義之第三子也始氏堀口父貞義左馬

權頭尊卑分脈武者所頭人建武二年記貞滿大炊助

美濃守尊卑分脈義貞建義貞滿為上將從攻北

條高時向巨福呂坂斬赤橋盛時鎌倉由是

竟平太平記義貞與高師泰拒矢矧河貞滿奮

戰敗之梅松論延元元年帝再御延曆寺足利

尊氏詐送款且請還闕帝密許之車駕將發

藤原實世馳价奔報義貞未信貞滿謂義貞

曰今日見江田行義大館氏明遽赴中堂行

步異常心頗為怪今復有此報是必有故也

請往覘之馳詣行在則扈臣導儀奉三種神

器貞滿小揖立進攀轅泣奏曰乘輿已駕臣


義貞未知所幸外間喧傳陛下聽尊氏狡計

六軍還京師義貞何罪而一旦擯棄乃爾方

元弘初孽臣縱奸乘輿震蕩義貞奮身敵愾

奉辭討逆、浹旬之間、殄滅巨寇、平底海寓、以  
紆宸憂、其速如斯、陛下將帥、中興之功、有能  
出義貞右者乎、及尊氏負恩、構亂、又收集義  
旅、屢致大討、摧堅挫銳、身冒萬死、出一生者  
數矣、凡前後所亡、宗族一百三十二人、親兵  
八千餘、○今川家本北條家本南都本一百  
三十二人、為一百六十三、今川家本  
北條家本西源院本南都本、  
本、八千為一萬、未知孰是、遂竄兇寇于海西、  
京畿寧靜、然比日反叛相繼、逆焰再燃、王師  
荐致傾敗、而外援不至、是蓋陛下聖德未洽

物、大信不著、衆之所致爾、義貞果何罪、今日  
還都之駕、遂不可柅、則臣願召義貞宗族見  
在者五十三人、悉賜死於駕前、而後發也、辭  
氣慷慨、聲淚俱下、帝有慚色、遂付皇太子于  
義貞、北赴越前、貞滿從之、鎮守府大將軍源  
顯家以陸奥兵西上、貞滿時在美濃根尾德  
山、率兵一千來從、後不知其所終、太平記子貞  
祐、掃部助、尊卑分脈、  
太平記匿居堅田、方足利義詮  
東奔、貞祐以兵五百邀戰真野浦、斬佐佐木



秀綱亦不知所終記太平一井貞政貞滿之叔

父為大藏大輔每從義貞陣間建武初直武

者所建武二年後與子政家死金崎城尊卑族

氏政為兵部大輔脇屋義助起兵越前氏政

時在居山城乃以兵五百進攻拔香下鶴澤

等十一城降千餘人遂會義助擊走足利高

經既而義助敗走美濃氏政謀結平泉寺眾

徒以舉兵不應記太平乃率十三騎白晝過敵

壘間北條家西源院入鷹巢城城陷不知所

之記太平

金谷經氏新田義貞之族為治部大輔修理

大夫建武初從義貞討足利尊氏有功及帝

幸吉野經氏起兵于播磨率吉河高田諸族

據丹生塞北路以應官軍後從脇屋義助于

伊豫會義助病歿細川賴春以舟師將攻河

江城義助部下推經氏為將發戰艦五百援

之適遇敵于海上敵舟皆施樓櫓下射我軍

經氏飛舸當之戰酣風暴起與敵舟東西相

分、會日暮風止、衆議旋船還伊豫、經氏不可  
 曰、今脇屋殿下世、大事去矣、吾儕縱存、所濟  
 幾何、惟有血戰決死爾、乃進船于備後、攻鞆  
 城、取之、據大可島、敵兵三千來攻、交戰旬日、  
 互有勝負、會賴春已陷河江城、欲進攻大館、  
 氏明世田城、於是河野通鄉等議還援氏明、  
 時見兵猶有二千、經氏以爲兵多不一、不若  
 寡而精、簡善鬪者得三百人、皆書曼多羅爲  
 號、擇凶日而發、敵兵七千逆戰于千町原、經

氏馳突、敵衆披靡、經氏身親搏戰、凡十餘合、  
 斬敵兵七百、我兵亦多死、而終不能獲賴春  
 也、經氏聚殘兵、與通鄉及得能彈正、日吉大  
 藏、杉原與一等十七騎、潰圍走、備後太平正  
 平六年、足利義詮東走、經氏率兵五十餘至  
 八幡、將入京師、敵兵數百來攻、拒戰不克、割  
 腹死、從死者三十餘人、房玄法印記  
 江田行義稱又二郎、○太平記作三郎其先出新田  
 義重、父曰有氏、尊卑分脈、江田據太平記、○本書行義稱世良田、而別有

江田三郎行氏其祖滿氏即行義從祖始稱江田未知孰是新田義貞之

起兵行義從攻鎌倉有功太平建武初為武

者所頭人任兵部少輔建武二年記及足利尊氏

犯京師丹波人久下時重等應之據大江山

行義將兵三千往討之斬時重弟長重餘衆

潰散還扈駕延曆寺與諸將守東坂下園城

寺及京師戰皆有功尊氏之西奔西國多應

之者朝議使義貞討之會病使行義大館氏

明將兵二千先發擊赤松則村于室山敗之

義貞乃上途進圍則村于白旗城分遣弟義

助與行義及大井田氏經攻船坂山城克之

行義乘勝入美作分兵圍柰義能仙菩提寺

城既而義貞聞尊氏海陸東上欲據要地扼

之遣使召行義行義乃解三城圍會義貞于

山里與禦尊氏于兵庫失利還又扈駕延曆

寺拒敵于東坂有功從義貞屢出爭京師不

能克及帝還京師義貞奉皇太子赴越前行

義與大館氏明扈駕入京師翻歸尊氏反為


所囚係、及帝復幸吉野、四方舉兵勤王、行義  
潛逃于丹波、與安達本莊氏等協謀、起兵高  
山寺應之、太平後不知其所終

大館氏明、祖家氏始氏大館、新田政義之次  
子也、尊卑分脈父宗氏、新田義貞稱兵初、首赴之、

攻鎌倉、宗氏將左軍、與江田行義入極樂寺  
坂、擊破大佛貞直、遂没于陣、氏明為左馬助、

與兄幸氏○尊卑分脈作弟從源顯家、入援延曆寺、  
幸氏攻佐佐木氏賴、觀音寺城拔之、斬敵五

百、既至坂本、顯家欲留一兩日休馬、氏明日、  
馬遠來而疲、若復休之、足重不可用、且敵聞  
吾至、不意遽攻、宜乘曉四面大喊、襲其無備、  
克之必矣、顯家及諸將然之、遂進攻拔園城  
寺、義貞將追足利尊氏于西國、會嬰疾、遣氏  
明及江田行義將二千餘人先發、破赤松則  
村于室山、軍勢大振、報至、義貞乃帥兵西發、  
後與行義從駕入京師、歸于尊氏、及帝南幸  
吉野、氏明竊逃詣行宮、為伊豫守護到任、與





土居得能氏合勢攻略

按本書諸國官方蜂起條曰氏明奔逃伊

豫今從脇屋義助向伊豫條

逮脇屋義助歿伊豫官軍相

踵糜滅氏明時據世田城被圍十餘日先是

城中勝兵多從金谷經氏戰歿加以糧竭敵

已薄城氏明率親兵十七人奮鬪卻之還割

腹死太平記初吉野行宮有怪禽夜出作鷓鳴

帝惡之命衛士射終不能中會氏明自伊豫

獻名鷹救大納言藤原隆資調養之一日如

臯放鷹鷹忽逸入前林中須臾捉一鳥大如

鶴盤旋墜地其狀羽毛皂黑翼長七尺許咸

謂是蓋嚮為鷓鳴者也乃格殺之怪遂絕矣

而鷹亦傷臆而死云吉野拾遺氏明二子義冬氏

清氏清幼讀書京師海藏院既長正平十年

赴吉野給事行宮十六年往屬其母家伊勢

國司源顯能部下居伊賀關岡城文中二年

與仁木義長戰鈴鹿山斬仁木義信還會顯

能兵與俱擊義長大敗走之顯能嘉其功更

大館為關岡氏以女妻之關岡家始末橋本正高

舉兵于紀伊、足利義滿遣山名義理、細川賴元等攻之。花營三代記、關岡家始末正高請援、氏清乃率兵擊義理等于山口山中、卻之。氏清以國司女壻累建戰勲、國內兵士自服部柘植諸氏莫不服從、稱氏清為伊賀守而不名也。應永十九年卒、年七十六。子氏隆。關岡家始末

大井田氏經。井作江越後人、新田義重之裔也。父經隆、遠江守。○大井田系圖作經隆孫氏經歷、彈正少弼、為式部大輔。參取尊卑分脈、太平記元弘初、氏

經與父共從新田義貞起義、誅北條高時有功。及足利尊氏反、又從戰菅根、又與諸將護駕、保延曆寺、亡。何尊氏西走、義貞奉詔討之、而西方悉為賊有、軍久無功。會兒島高德舉兵熊山、義貞乃遣弟脇屋義助及氏經等諸將應之。氏經與畑時能等夾攻船坂、拔之。義助因進圍三石、氏經亦進據福山城、兵僅二千。足利尊氏及弟直義水陸竝進、而城中守備不完、衆心危懼。氏經勵以忠義曰、奉命遏

賊路、豈可聞其兵多不戰而走哉、今日吾輩  
致死之秋也、衆更奮躍、勇氣百倍、翌日直義  
率兵二十萬至山下、旌旗人馬、闐咽數里、先  
鋒三千薄城、氏經戒衆勿譁、及敵發喊三、乃  
鼓而應之、聲震山谷、敵驚曰、源家將果善守、  
勿以城小侮之、乃齊進四面仰攻、城兵注射、  
死傷無算、氏經乃督精兵千騎、洞開城門、大  
呼突出、敵兵披靡、人馬墮澗、死者相枕、氏經  
望直義旗、旋騎赴之、搏戰移時、既而知其非

直義之陣、衝出敵背、亡從騎五百、顧視樓棚  
火起、知敵兵已入城、謂衆曰、今日之戰、止於  
此矣、乃收餘兵東馳、行鬪十餘合、天明至三  
石、遂與義助引兵、會義貞于山里、禦尊氏于  
攝津、不克、從義貞還京、復護蹕登延曆寺、及  
義貞北行、氏經從之、至越前、與足利高經戰  
效功、既而義貞戰歿、王師不振、太平氏經卒  
于越後、有子曰經景、大井田  
里見時成、越後人、新田氏族也、名據今為伊

賀守從新田義貞討北條高時平之、又從討足利尊氏、義貞奉皇太子至金崎、時成與脇屋義治等守杣山、足利尊氏兵圍金崎、踰歲城中窘甚、義治使時成及瓜生保等將兵五千往援、尊氏將今川賴貞率兵二萬陣敦賀、據險逆拒、時成率輕騎督戰、軍不利、遂與保等同戰死、里見義氏、○本書或作時義、未知孰是、尊卑分脈作伊賀守義成孫、為大炊助、從新田義貞討足利尊氏、遂從赴越前、守金碕、城陷、與新田義顯俱自殺。

太平記

細屋秀國、新田氏族也、秀國據金勝院本太平記為右馬

助、從新田義貞赴越前、足利尊氏使足利高經陣越前府為之備、秀國率兵三千、築砦長碕河合川口、漸逼之、高經軍敗、走據黑丸城、秀國與藤原行實船田經政追攻、不能拔、義貞戰死、軍潰、太平記後不知其所終、

大日本史卷之一百七十四終



由良具滋


渡里忠景

小山田高家

瓜生保昌

船田義昌上野人也、為新田義貞執事、義貞在金剛山軍、與義昌計舉兵、欲得護良親王令旨、義昌曰、聞親王近匿山中、宜以計求得之、乃裝兵三十餘人、為草賊、夜上葛城峯、而自為亡卒、與之鬪、遂他賊望以為其黨來救、

因合擊、生擒數人、解縛諭之曰、非以害殺汝也、新田殿計獲大塔宮令旨、以舉義、汝等欲保首領、當導到宮所、賊悅曰、此易致耳、請縱我輩一人往、義昌遣之、間日果奉令旨至、義貞藉以起兵、義貞之入鎌倉、鹽田道祐戰敗、其下狩野重光趣之自殺、盜其家貲、逃匿佛寺、義昌聞而捕之、梟首由井濱、既而獲北條高時子邦時、後從義貞戰、歿京師、太平記義昌族經政、不味、亦為昌路、經、出、經、身、門、子、知、海、



經政不知於義昌親疎也、稱長門守、每從新田義貞力戰、義貞克園城寺、將引歸、經政叩馬言曰、乘勝追北、軍之所利、敵已委棄鎧馬、奉頭奔亡、吾追躡直入京師、餘眾亦從而潰、乃雜敵中、縱火發喊、縱橫馳騁、使敵不測、多寡得以與足利氏決、則義貞悅曰、吾意也、遂尾敵入京師、大得克捷、後從新田義顯保金碕城、城陷、土岐賴勝、栗生顯友、矢島安崇將自殺、經政止之曰、新田殿在我輩、當忍生俟

其再起、無為徒死、資敵、乃與三人共匿海岸

石窟中、得不死、義貞之攻足羽、經政率七百

騎○異本到安居、將渡水、為敵所射、人馬多

溺死、別兵而還、後不知所終太平記

栗生顯友顯友一名據金勝院本○顯友或作

其稱左衛門上野人也、膂力超人、善射、好擊

劍、事新田義貞、與篠塚伊賀守、畑時能、由良

具滋齊名、稱四天王四天王據又與篠塚伊

賀守、杉原下總守、高田義遠、藤田三郎左衛

門藤田四郎左衛門藤田六郎左衛門葦堀  
七郎川波新左衛門難波備前守河越參河  
守長濱顯寬高山遠江守園田四郎左衛門  
青木五郎左衛門青木七郎左衛門山上六  
郎左衛門稱十六騎○以上所載十七人而  
稱十六騎未審其由  
每臨戰同徽號進退必俱自義貞舉義未嘗  
不從在左右建武二年從義貞戰矢矧箱根  
有功及義貞敗退行收散卒轉鬪三日至天  
龍河會雨河水暴漲造浮橋以濟軍軍中有

叛者竊斷縛紕圍人牽馬至橋壞而溺船田  
義昌顧軍士救之顯友乃全鎧入水挾人馬  
亂流登岸橋板開丈餘義貞義昌互執手躍  
身而超餘衆未得渡名張久富手捧甲士久富  
名據金連投二十人最後雙挾二人而超軍  
勝院本中視其趨捷竊歎曰將士材武如此猶不免  
于敗乎明年義貞攻細川定禪于園城寺定  
禪出戰兵敗而退我軍隨入僧兵力拒撤濠  
橋不得入顯友及篠塚某各拔大木塔婆架



于橋梁、烟時能及渡里、忠景戲之曰、任卿爲造橋判官、戰吾自爲之、先渡薄門、城兵亂刺、忠景奪得十六槍、時能足蹈門關、輒折守兵、驚潰、義貞乃督三萬騎從之、賊遂大敗、及瓜生、保叛、脇屋義助、新田義顯奔還金碕、士多道亡、從者僅十六人、道逢樵者、言金碕亦爲敵所圍、衆聞之大憂、皆曰、宜經東山道、奔于越後、否則各就自盡耳、議未決、顯友進曰、今諸道梗礙、吾兵困弊、越後長途不易至矣、未

見敵而死、亦甚怯也、不如多設疑兵、乘敵不意、或得入城、事脫不就、則決死於將帥之前、不亦可乎、衆然之、會日暮、設疑兵於深山寺傍、黎明馳至金碕、出敵背、大呼曰、援兵二萬至矣、敵兵望深山寺旗幟、以爲大兵實至也、空壁亡去、因得入城、足利尊氏怒其爲寡兵所欺、復大遣兵圍城、數重、晨夜攻戰、顯友大呼而出、以巨楳格鬪、踣數十人、敵不敢近、及城陷、與船田經政脫走、不知所終、太平記

篠塚某稱伊賀守、武藏人也。自稱畠山重忠六世之孫，驍猛多力，善射事新田義貞。義貞東征失利，退還殘兵僅五百餘。道有僧告曰：敵兵充伊豆府，號八十萬。以此單寡，安得輒過篠塚？與栗生顯友顧衆曰：以五百當八十萬，諸君今日真是一騎當千矣。乃相率轉鬪而前。一條某搏義貞，篠塚從傍捉而投之。一條拳捷，足據地不仆。復前，篠塚蹴踣斬之。一條士卒競赴篠塚，篠塚手殺九人，餘兵股栗。

莫敢近。義貞得脫去，尋從攻園城寺。有功及脇屋義助卒，與大館氏明據伊豫世田城。會細川賴春率衆來攻，圍城三旬。氏明力屈，自盡。篠塚開門突出，大呼自名曰：汝等斬我求賞，乃揮鐵楯衝圍，敵兵東西披靡。篠塚徐步而去，敵使騎士二百尾射之。篠塚每追者迫，顧而叱之，行數里，夜抵今張浦。敵泊船浦口，留棹卒護之。篠塚乃帶甲入海，浮沒里許，騰而登船。棹卒驚駭，詰問姓名，告之曰：身是篠

塚伊賀守也、宜為我進船至隱岐島、自起大  
 石、建長檣可十四五尋、入而卧、鼻息如雷、舉  
 舟震悚、送至隱岐島、不知所終、太平女稱伊  
 賀局、事新待賢門院、及高師直犯吉野、帝幸  
 賀名生、門院僅從、後宮數人同赴焉、比至吉  
 野川、橋板半斷、不知所為、伊賀局折巨樹枝、  
 接以濟門院及諸妃、及敵退、試使多力者折  
 之、不能而止、後嫁楠正儀、吉野拾遺  
 畑時能稱六郎左衛門、武藏人也、體貌雄傑、

志氣壯烈、長於謀略、多力善泅、擊刺騎射、無  
 不精妙、每戰未嘗敗、年甫十六、好角力、坂東  
 莫敵者、後家信濃、以漁獵為生、建武初、新田  
 義貞唱義、時能從而力戰、又從脇屋義助攻  
 船坂山、拔之、義貞據杣山城、時能以加賀人  
 敷地、山岸上木氏等城、細呂木、出擊津葉清  
 文于大聖寺、破之、清文名據金勝院本遂略加賀、越前、  
 為義貞聲援、及義貞戰死、義助使時能保越  
 前湊城、眾僅二十三人、矢死固守、北陸兵攻

大日本史 卷一百一十五 列傳 其

之歷年歷年據天正本不能拔會義助欲攻足利高

經于足羽移檄諸將同時發兵時能招聚兵

三百攻略金津長碕河合河口等地降城十

二斬首八百級所過殆無噍類矣於是河合

種經來降時能合其眾即夜赴足羽緣山上

出城背發喊連射高經懼燒城而逃已而敵

復發大眾攻杣山義助敗走越前加賀能登

越中若狹官軍失守唯時能率二十七人守

鷹巢城一井氏政亦來會高經及高師治將

北陸道兵七千人攻之鷹巢城峻峭不能輒

上乃對城作三十七壘仰城攻戰日夜不休

時能姪僧快舜家僮惡八郎為賴為賴名據南都本

皆驍果善戰有犬名犬獅子馴良警捷能解

人意時能率快舜為賴乘夜出城先遣犬覘

敵動止敵有備則犬一吠而出無備則向時

能掉尾三人乃隨犬入壘叫呼奮擊出其不

意敵委甲仗走時能每夜易術遍襲諸壘敵

以為患密餉酒糧請勿襲其壘時上木家光

大日本史 卷一百一十五 列傳 八

北日本書 卷一百一十五 列傳 一  
叛在高經軍、軍中流言、家光輸粟數百石、爲  
畑內應、又榜于高經營曰、欲打畑先斫上木、  
高經將士咸疑焉、家光恚恥、一日黎明率家  
族二百餘人、擁楯直進、諸軍謂彼知畑情、今  
急攻城、必將陷矣、勿使彼專功也、衆七千人  
躡險而登、城中寂無人聲、衆甚易之、兵已迫  
城、時能乃將快舜及爲賴鶴、澤源藏人、長尾  
新左衛門兒玉五郎左衛門、大呼突陣、敵兵  
披靡、聚于一隅、爲賴乘高連發木石、壓殺七

十餘人、

七十餘人  
據異本

傷創不可勝計、時能乘機

而進、縱橫奮擊、殺傷甚多、高經引卻、不復來  
戰、時能意謂、今久相持、非謀之良者、更出奇  
致敵、決勝敗所在、爾因留一井氏政以守城、  
而身簡兵十六人、夜登伊地山、揚中黑旗以  
候敵至、高經聞之、謂是豐原平泉寺僧徒來  
援官軍也、親將騎三千急攻、時能乃盛飾鎧  
馬、揮眉尖刀、大呼曰、畑將軍來矣、請面尾張  
守、敵陣悚動、時能與左右十六人馳騁鏖戰、

北... 卷一百一十五 列傳 九

高經軍敗濟川而走時能聚其兵亡五人餘  
咸重傷快舜被七創尋死時能亦被數創流  
矢中肩鏃不能出三日而死自是北方官軍  
不復振矣太平記  
由良具滋具滋名據稱新左衛門上野人也  
新田義貞舉兵每從力戰後從脇屋義助與  
畑時能攻船坂克之及瓜生保叛與新田義  
顯保金崎城高師泰率兵來攻久而城中援  
絕糧盡於是具滋與長濱顯寬共謂義顯曰

賊徒乘勝已逼外城而城中兵疲不可復支  
請使東宮駕舟外避而後諸君宜自盡吾二  
人為諸君暫扞賊言訖而出時不食數日體  
困不能步鬻死者肉啖之率兵二十餘人拒  
戰創血淋漓口亦乾甚掬血止渴既而安間  
利勝告曰大將既殞命利勝名據於是二人  
相謂曰死期至矣等死不如刺賊將而死乃  
帥城中兵五十人冒陣戰歿○本書書由良  
其名金勝院本為具滋顯寬然見行本載正  
平七年帝使由良新左衛門入道信阿諭新

大日本史 卷一百一十五 列傳

田義宗又云新田義興之死於矢口由良新左衛門亦同自殺則其死於金崎者或與具滋別人死於矢口者或具滋之子而襲稱新左衛門今不可得考故姑附于此由良

光氏稱越前守新田義顯之入金崎城敵要之路光氏喻之解去語見義顯傳脇屋義助保石丸光氏據西方寺城及義助攻足羽光氏將兵五百餘攻拔和田江守波羅密深町安居莊內六城以部下兵守之太平後不知所終東宮義隆自盡二渡里忠景一作渡里稱新左衛門熊野別當鳥

居重氏之裔也重氏子行忠承久之難屬官軍遂奔參河居渡里邑氏渡里更名忠氏忠氏七世孫兵庫頭忠吉即忠景之父也鳥居系圖忠景驍勇多力善射閑兵屬新田義貞部下戰數有功義貞與弟義助守金崎城外圍數重朝問隔絕不知帝幸吉野忠景乃間道詣行在得綸旨而還慮道梗難通寘綸旨於鬚沒水潛行至于金崎於是城中始知車駕所在兵勢復振太平及義貞死還于參河復氏

鳥居稱藤左衛門鳥居系圖

小山田高家稱太郎、不詳何許人、延元元年、從新田義貞西討、抵播磨、圍赤松、則村白旗、城、自春至夏、軍乏糧食、義貞慮兵士暴掠、每街署榜曰、敢刈一穗、侵一屋者、處法、是以農不釋耕、商不易肆、高家犯令、刈麥、軍吏論罪、當斬、義貞聞曰、彼豈肯以身易麥、無乃以敵地所生、誤為非吾令之限乎、不然、糧食匱乏、不得已犯法也、遣人檢視、馬仗盛設、而芻糧

索如、義貞有愧色、曰、彼之求食、將以力于戰、而士卒先饑、將之恥也、勇士不可失法、亦不可濫、遺衣二襲、償其田主、給高家糧米十斛、謝之、既而義貞與足利尊氏戰、兵庫敗走、馬中矢僵、上路傍塚上、俟副騎至、敵競集團之、高家馳至、以所乘馬授義貞、力戰而死、義貞賴得脫去、太平記○金勝院本、以授馬戰死為岡部乘澄事瓜生保稱判官、越前人也、弟僧義鑑、次稱林次郎、削髮更名源琳、○諸異本、太次重稱兵平記作深琳



庫次照稱彈正左衛門皆有勇名、建武二年、保與加賀人敷地上木山岸深町之族應官軍討名越時兼有功、延元元年新田義貞奉皇太子抵于金崎、遣弟義助子義顯募近國兵以爲繼援、二人先至杣山城見保、時天大寒、保與重照盛設飲饌、迎勞于鯖竝驛、發廩穀以充軍食、酒酣、義助贈保以鎧一副、保亦獻衣二十襲、悉出庫中綿絹作軍士衣、兵士歡甚、亡何足利尊氏逼帝請討義貞族之詔、

令足利高經貽保誘之、保以爲信然、乃據城拒義助、義鑑往鯖竝驛告曰、保性愚戇、輒陷賊計、事已急矣、二公不可久駐、願爲臣留一公子、臣竭力推戴、視時起兵、爲金碕聲援、保亦終當悔悟、致力官軍、言畢泣下、義助感其誠信無貳、乃出子義治屬焉、身與義顯復還于金碕、保從高經及高師泰圍金碕、旣而聞義鑑與重照謀爲義治舉兵、謂高經疑我、必不能免、密圖求同志者脫走、會宇都宮泰藤

天野政貞在別營論諸將旗號以新田氏一  
引爲右保潛聽之心竊喜焉數遺酒茶于泰  
藤政貞往來締交甚得歡心因告以密計二  
人許之時賊圍城日久將士懈怠多逃還者  
師泰患之設關於諸路令曰無符信者不得  
出保乃佯請曰欲遣卒于杣山爲軍帥輸馮  
芻師泰命吏書木牌曰卒百五十人宜許出  
關以與保保密削牌面字作三百人存師泰  
印與泰藤政貞俱遁過深山寺關吏譏而不

怪遂得還杣山諸弟協謀擁義治爲將揚  
旗於飽和祠前義貞之士衆亡匿者聞之輻  
湊至千餘人保乃分遣五百人于鯖竝驛湯  
尾嶺塞北兵路築寨於古燧城東南山積糧  
七千餘石爲守備計既而聞敵兵亦千來攻  
欲使敵軍深入遣兵焚其來路數里間人家  
日暮師泰兵至無所止宿直入湯尾邑敵衆  
疲甚謂戰在明日盡投民舍解甲而寢夜半  
保與泰藤等縱火掩擊敵衆驚潰時大雪人

馬俱沒、虜三百人、斬首無算、高經聞之、懼北  
路爲保所斷、引兵還、越前路、次新善光寺城、  
保將兵三千人、攻之一晝夜、斬首三百級、生  
擒百三十人、悉斬梟于帆山河原、聲勢大振、  
近國兵士及平泉寺豐原僧兵歸附相屬、明  
年春、保及義鑑源琳重照以兵五千援金碕、  
里見時成爲將、高師泰使今川賴貞將兵二  
萬扼隘逆戰、衆皆退走、時成獨與數騎突進、  
敵見以爲將帥、爭來合圍、保與義鑑返救之、

源琳重照亦欲同赴、義鑑顧叱三弟曰、何背  
平日言、我與家兄死敵、止一敗耳、汝等盡死  
則大事去矣、源琳顧重等未進、會敵衆至、與  
二人相失、保義鑑姪七郎與時成俱戰歿、重  
等收敗卒歸于杣山、初、義鑑每出戰、與諸弟  
約、設使戰不利、兄弟勿俱死、必令義治再建  
大功也、至是果如其言、保義鑑既沒、金碕失  
援、困弊日甚、義貞義助踰城宵遁、潛至杣山、  
源琳重照復圖援金碕、而見兵僅五百、聞敵

衆日增至十萬、議未決、金碕陷、三年義貞招  
集義故、稱兵于杣山、重爲越前守、照加賀守、  
領兵五百人、俱據妙法寺城、義貞擊足利高  
經大破之、重照與有功焉、及義貞死、義助引  
還越前府、使重照退保杣山城、後村上帝踐  
阼、從義助攻高經于足羽、走之、未幾敵大衆  
來戰、義助軍敗、北國悉爲敵所據、太平重照  
不知其所終、

大日本史卷之一百七十五終

大日本史卷之一百七十六

富士名義綱  
本間玄孝 權中納言從三位源光圀 修

男權中納言從三位綱條 校

玄孫權中納言從三位治保重 校

富士名義綱

大江景繁

敕使河原直重

秋月種道

河島維賴

氣比氏治直重

藤原昌能

宇治惟直族惟澄

太田守延立於中階言外三立階新重

津守國夏立於中階言外三立階新重

本間忠秀立於中階言外三立階新重

富士名義綱佐佐木之族也太平記百稱三郎天正

本太平記梅松論百郎按建武二年記武者為所結番載布志那百郎光清疑義綱兄也為

檢非違使元弘初北條高時遷車駕于隱岐

明年所在起兵勤王高時懼命隱岐守護佐

佐木清高更集旁近州郡兵增添守衛日夜

巡警行宮清高使義綱守中門義綱竊謀奪

車駕以舉義欲先以情奏上苦未有由會帝

夜使侍姬賜酒中門宿直兵義綱以為得便

乃謝恩因附奏曰臣謹以所聞上瀆聖聽近

日楠正成據金剛山控關東百萬軍赤松則

村奉大塔宮教屯摩邪山勢震畿縣伊東惟

羣築寨三石塞山陽道土居通治得能通言  
攻走長門探題北條時直大治舟楫將來迎  
駕也或云欲直向京師也四方官軍不期而  
響應此皇圖再造之時將至也然此閒浮言  
高時更逞兇謀欲行弒逆已有所命如所傳  
則為變叵測此閒以下據金勝院本當臣上直之日請  
速移蹕出雲伯耆之間二國將士必多應詔  
者臣亦當率兵佯為追駕而奉從也帝乃賜  
侍姬于義綱察其情偽義綱感激效節之心

益堅於是詔遣義綱招集兵士義綱與出雲  
守護鹽治高貞俱出佐佐木氏以其同宗先  
往諭之為高貞所拘及帝幸船上高貞始出  
義綱與俱赴行在義綱雖謀不遂然帝幸船  
上其言實啓之矣太平記○按船上錄以此事為名和泰長謀恐誤伯耆卷云義綱從帝發隱岐至出雲沙汰浦登岸義綱白帝曰守護鹽治高貞臣族人也請就託之帝從之御馬却行不進帝異而登船高貞發兵來追已不及矣明日至杵築浦義綱登岸求食祠官來追御船脫去後六年有大江景繁祠官所執與本書異

大日本書紀 卷一百七十一 列傳 三

大江景繁家號三條、景繁仕後宇多上皇爲  
北面常近仕左右。記、毘沙門堂所藏記引繼塵  
雅俊記家號據金勝院  
本太、後醍醐帝時爲刑部大輔、延元元年足  
平記、利尊氏反、已而偽納款、帝乃還自延曆寺、御  
華山院、尊氏分拘左右侍臣、獨景繁得給事  
馬、踰月景繁因勾當內侍奏曰、新田義貞據  
金碕城、累破賊兵、而劔白山僧徒攻富樫介  
那多城、拔之、謀爲義貞援、北國官軍復振、而  
從駕將士爲賊所拘者、如菊池武重、日吉加

賀法眼等、今多逃還、舉義于本國、兇賊誅夷  
之機、已兆於今矣、陛下乘間幸大和、據險保  
守、頒詔四方、增義旅之聲勢、耀皇化于宇內  
也、帝喜、次夜蒙婦人衣、使內侍齎三神器、從  
壞垣而出、景繁擁帝上馬、受荷神器。記、太平與  
侍從忠房。○姓俱從之、時夜深冥暗、咫尺不  
辨、帝行望路傍、隱然如有祠宇、顧問之、忠房  
對曰、是稻荷祠也、因作歌曰、宇波多麻能、攻  
羅岐夜美治珥、麻余布柰利、和禮珥加佐柰

牟美豆能斗毛志備為禮而過、倏有赤雲起于祠上、照曜路上、明如晝日、隨光南行。參取吉野

拾遺、太平記、天明至賀名生、遣景繁招諭吉野山僧徒、吉水院主宗信等悉應之、遣僧兵三百人來迎駕、楠正行等諸將相踵而至、玉師復振。太平記、正平七年、足利義詮犯男山、行在官軍敗走、景繁奮戰死之、時有中原章興者、亦與景繁同死。園太曆

敕使河原直重、姓丹治、丹治系圖稱丹三郎為左

衛門尉參月太平記、利家本太平記、作中務丞武藏人、

諸異本太平記、見行本作信濃人足利尊氏之犯京師、從新

田義貞禦於大渡、以宇治山崎竝失守、退還

京師、聞乘輿東幸、謂曰、見危致命、古今常誼、

我何面目、忍受逆賊之制乎、乃與其子返

至羅城門側、割腹而死。太平記

秋、月種道筑前、對馬守大藏春實之後也、

原田系圖、秋、春實嘗伐藤原純友、大有勲績、扶桑

略記女真之寇筑紫、春實孫種材與其子光弘、



將兵擊賊亦有功朝野羣載其後子孫名

世原田秋月二氏最著種道為筑前權守原田

系圖秋月系圖○按太建武中種道與菊池

宇治族起兵勤王尋拒足利尊氏於多多良

濱及軍敗走太宰府敵兵追及種道與其黨

二十餘人返鬪盡死之太平記秋月氏世

居西邊門族頗多然其業不遂時人憾之太平

記

河島維賴稱左近藏人越前人也延元初奉

詔撫定本國及新田義貞奉皇太子北出維

賴從入金碕城城圍甚窘義貞與弟脇屋義

助以維賴為鄉導夜潛遁于松山城尋從義

助守三峯城又從與足利高經戰於鯖江走

之後義貞戰歿義助還國府維賴留守三峯

義助拔織田田中等果七城維賴有功太平

不知所終二百四十一

氣比氏治金勝院本稱彌三郎大夫越前人

也為氣比社大官司方車駕再幸延曆寺氏

治築城敦賀、為官軍聲。新田義貞奉皇太子及尊良親王、北至敦賀、氏治與子齊晴子據院西源本以兵三百、迎入金碕城、敵將小笠原貞宗來攻、齊晴素多力、與矢島七郎等擊卻之、既而城陷、尊良自殺、氏治殉死之、齊晴走索得舸、載皇太子、倉卒無楫、乃繫纜於壁、游海三十餘町、達蕪木浦、以皇太子囑土人曰、此異日為日本國主者、煩汝等奉以入杣山、復游還城、自刎、據父屍而死。太平記

藤原昌能中納言貞嗣之裔也、其先季兼任尾張目代尊卑分脈娶熱田大宮司尾張員職女、生子季範、員職以大宮司授季範、子孫因世其職。玉葉和歌集族曾祖父範直、承久之役效力王師、故為北條義時禡職、祖範廣父家範、竝大宮司。尊卑分脈後醍醐帝時、昌能為大宮司。太平記任攝津守。太平記直武者所建武二年建武二年、北條時行將三浦時繼自鎌倉逃來、尾張、昌能擒之以獻、新田義貞東征、足利尊

大日本史 卷一百三十六 阿蘇

氏昌能發兵會之與宇都宮公綱等擊破賊  
軍於鷺坂及義貞敗退昌能從還京師尊氏  
之再犯京師昌能扈駕延曆寺尋從還京師  
還京師據毛利家本按天正本因歸居  
昌能從皇太子赴越前未知孰是  
熱田落髮號源雄及鎮守府大將軍源顯家  
西上昌能以五百餘人出從之顯家死還熱  
田記太平正平中發兵與原蜂屋等討尾張守  
護代而走之曆園太不知所終  
宇治惟直稱八郎肥後人阿蘇大宮司惟時

子也阿蘇社文書稱元弘三年楠正成據金

剛山拒關東兵記太平惟時素有勤王之意阿蘇

社文遣惟直及宗族赴之及至備後鞆津適

得令旨按本書但書令旨因還國舉兵擊賊

宇治惟澄申狀後從菊池武敏拒足利尊氏於多多

良濱惟直被重創走小杵山自殺記太平弟惟

成阿蘇社稱九郎從兄拒敵敗走見擒記太平

遂遭害興國中賜莊田若干於惟時以報二

子之功惟時族惟澄阿蘇社

大日本史 卷一百三十六 阿蘇

惟澄稱惠良小次郎阿蘇社文書與惟直俱自備

後還討賊有功延元初從菊池武敏擊少貳

貞經克之參取惟澄申狀太平記多多良濱之敗武敏

引還太平記足利尊氏將今川藏人陣肥後府

招致黨類武敏亦起兵戰于虎河豐福原等

處小代氏文書惟澄每先衆而進戰惟澄申狀及帝自

延曆寺還京師所在官軍皆沮喪太平記多反

附于賊者獨惟澄不撓據甲佐嶽為壘懼服

近里賊黨少貳賴尚部下饗庭某發兵數百

來攻惟澄拒之山崎原其所騎馬被創斃惟

澄徒跣奮鬪斬數十人敵引去惟澄申狀先是菊

池武重脫賊拘而還肥後再舉義太平記小代氏文書

惟澄及内河義直應之於是尊氏遣一色範

氏於肥後攻之惟澄申狀小代氏文書惟澄從武重擊

範氏於犬塚原破之斬其弟賴行惟澄申狀朝廷

亦遣五辻宮為大將軍總督九國兵阿蘇社文書

其將三條少將姓名將兵來援因復與範氏

戰于守富莊少將兵殆敗惟澄代之接戰數

戰于守富莊少將兵殆敗惟澄代之接戰數

回自晝至夜遂破走之三年少貳賴尚發兵  
數千來攻甲佐城惟澄纔率三十餘騎出擊  
之吾兵多死傷敵亦引去尋發兵進至日向  
堺攻拔野尻小國二城乃修築小國城據之  
大友氏族發豐後兵來攻惟澄逆擊斬數百  
人惟澄興國中征西大將軍懷良親王至勞  
申狀惟澄功授肥前曾根崎莊及肥後守富莊地  
頭職阿蘇社有市下道惠者推惟時宗族坂  
梨子孫熊丸為將據南鄉城而叛惟澄往攻

之會豐後肥後二國兵大至惟澄與弟惟賢  
拒之途共被創兵多死惟澄進斬數十人後  
遂拔南鄉城斬孫熊丸及道惠等六十餘人  
正平初內河義直在八代城少貳賴尚將攻  
之自率兵至守山關破關而入惟澄時在小  
河城出擊走之斬十餘人悉獲其器械明日  
逐北進陳于中途攻取敵二城敵更屯兵於  
八代與惟澄營中間絕我往來路惟澄亦移  
營與敵相持賴尚別遣兵襲八代城陷之惟

大日本史 卷一百七十六 列傳 十一

澄乃合竹崎某兵往而擊敵却之義直得再  
入城惟澄申狀三年以功為筑後權守尋兼日向  
吏務因出兵於日向擊高知尾賊又從懷良  
親王攻山鹿城皆有功阿蘇社文書先是惟時叛  
降于足利氏其後反覆無常惟澄獨守節與  
菊池武光通謀與小貳大友輩相攻連歲參取  
阿蘇社文書惟澄申狀惟澄申狀十三年惟時遂復反太平記  
以惟澄為阿蘇大宮司為一家之宗後數年  
而卒阿蘇社文書惟澄大小數百戰每以寡擊眾

陷城無算屢被創門族多死然遂無沮撓之

色云參取阿蘇社文書惟澄申狀

太田守延守延據金勝院本太平記稱三郎左衛門任檢

非違使為但馬守護元弘中北條高時幽皇

子恒良親王於但馬使守延監察焉及源忠

顯同諸將攻六波羅守延奉恒良起義進會

忠顯於丹波忠顯甚悅之乃推恒良為上將

與俱攻六波羅陶田通倫等出拒於二條守

延戰敗死之從死者三百餘人太平記從死

大日本史 卷一百七十六 列傳 十一

太平記

津守國夏攝津人住吉祭主右大辨吉祥之裔也父國冬任神主終于左近衛將監從四位上國夏敘從五位上襲神主嘉曆中營造住吉社授國夏攝津守討北條高時救國夏祈平定高時滅進從三位津守系圖正平七年車駕將還京師至住吉御國夏宅十有八日因進敘正三位參取太平記園太曆○太平記為從三位無幾而卒年六十五國冬能和歌及笛國夏頗能傳之

津守系圖兼善擊鼓後醍醐帝嘗慶延曆寺講堂

國夏以樂事從行方樂起國夏失期後至不

遑執桴脫所著靴遙投鼓以諧音節毛利家本天正

本記三子國量國實國量繼為神主津守

系圖○園太曆作讓職於弟正平十五年幸住吉授正四

位下且賜和歌曰以羅為夜磨古曳氏毛佐

羅珥於毛比志禮加美毛比加利遠曾布留

與曾斗波新葉和歌集歷修理大夫攝津守津守系圖

從三位津守系圖新葉和歌集

州日本史 卷一百七十一 十一

本間忠秀名據建武二年記○本間系圖作持季太平記及異本作重氏稱

孫四郎相模人也記太平其先出自參議源賴

定父曰資李系本間圖忠秀騎射絕倫初事足利

尊氏及尊氏降忠秀亦從歸順記太平為左衛

門尉直武者所年建武二尋從新田義貞拒尊

氏于和田崎海陸相持未接戰忠秀單騎進

執弓據鞍曰聞將軍舟中多載妓女敢有所

獻以侑酒適有海鳥攫魚而翔忠秀欲其生

致射截隻翼墜于尊氏船樓尊氏船樓據天正本太平記

魚猶在爪尊氏使舟卒遙問其名忠秀答曰

鄙人姓氏素無所聞而坂東控弦之士或偶

記之請更以一矢通名矢飛六町餘鏃貫船

板著敵甲其箭竒鏤姓名敵中傳觀莫不驚

異忠秀揮扇而呼曰亡矢可惜請更返射有

敵出射矢弱輒墜舉軍闐笑後敵將高師重

攻比叡山以熊野健兵五百為前鋒肉薄而

上氣勢甚銳忠秀與相馬忠重在義貞側望

之笑曰不須煩衆我唯一矢令賊奪膽有二

大日本史 卷一百七十一 十一



大日本史 卷一百七十六 十一

壯士買勇先進忠秀忠重兵射殪之敵眾畏縮不前去人乃顧我軍曰戰將合請先設的以習我射我軍乃揭繪月紅扇相去二町許二人相謂曰月不可射當破其側及發一中左一中右乃大呼傳名敵陣曰請以我矢試甲堅脆萬眾為之引却○本書呼名條後隨作資氏者誤車駕入京師尊氏斬之六條河原太平有從忠秀學騎者問奧術有幾忠秀笑曰有步棧術善之無不可為也弟子懇請學之忠秀與

之聯騎遠出山谷間遇一危棧曰子審觀之乃下馬徐牽過棧復上弟子怪問忠秀曰奧術在全身無邀危以逞巧也且崖壑數丈可一鞭超况乎有棧雖然子未習者慣視超捷此教危也其騎射之法傳于世云文祿子資氏稱彦四郎亦善騎本間系圖

大日本史卷之一百七十六終

大日本史 卷一百七十六 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

大日本... 卷之... 十一

